

绿水青山好 如画梦中行

阅读提示

第三届丽水市瓯江山水诗路暨中华生态诗高峰论坛上月在丽水市举办。期间，全国知名诗人就丽水创作了中华生态诗词，现刊出部分作品，以飨读者。

丽水金山

谁言丽水不生金，绿谷青山细细寻。
一缕朝阳诗兴起，高吟声韵润琼林。
(周文彰)

浣溪沙 南明山

一伞云花和雨声，石阶折过半山亭。行行诗句复行行。
爽气伏波丹火绿，流烟灏雪树苔青。灵山崇此有南明。

卜算子 丽水烟雨

东海卷云来，湿我江南旅。襟上清香桂子黄，袖染芭蕉雨。
山影翠还无，水色青相许。青宇流烟难画成，剩有青莲句。
(范诗银)

凤栖梧 修补

修补地球曾可可。多恙山河，多少魂和血。青泪层穿石迸裂，烬红未减当年热。
修补心灵仍惻惻。今世来生，莫负元元色。一寸初服重剪却，从头认取风和月。
(罗辉)

水调歌头 瓯江生态诗路

绿水青山好，如画梦中行。神州生态诗路，灵运启航程。逆旅天鸡高唱，太白天台梦幻，处士永嘉灵。借得江山助，尽兴唱高情。
地灵杰，人灵秀，运灵明。应星分野，吴越金碧会诗朋。玉宇琼楼明月，人类明朝何处？八面借天风。抢渡银河去，诗路续长征。
(赵安民)

夜登应星楼

瑶琼何处去，尽筑此楼来。
璀璨照瓯水，玲珑接紫台。
万山烟雨阖，一市玉灯开。
劫火无痕迹，谁怀盛世哀。
(姚泉名)

临江仙 丽水瓯江畔见桃花秋季绽放感赋

青帝今朝知我到，故教九月重开。一江细浪润桃腮。相思千载后，抱梦敞幽怀。
定是南庄情未了，远来再见裙钗。春秋两度莫疑猜。魂灵穿隧道，不改旧形骸。
(韩倚云)

丽水印象

庆元菊月景宁乡，秘境寻幽古括苍。
烽火息来云尚缙，汤翁去后遂还昌。
青田通济莲都堰，松日涂秧绿谷篁。
三尺龙泉千载锐，悠悠砥砺仗瓯江。
(何江)

参加丽水中华生态诗高峰论坛有感

两山宏论萌芽地，绿谷明珠别样珍。
丽水流光开画卷，秀山积翠响诗音。
欲圆禹甸云龙梦，还待骚坛生态吟。
莫问金银何处在，天蓝峰碧渌波粼。
(王骏)

也步和宇真会长《丽水举办中华生态诗高峰论坛感赋》

掣电驰风影动摇，瓯江景色十分娇。
堰承唐宋铺文路，云起石门开画桥。
绿水青山争出峡，鲜生活态好乘潮。
今番诗咏西南浙，漫卷红旗上碧霄。
(郭星明)

千峡湖

悠悠碧水接空溟，千峡遥望云影青。
最是船头畚女炫，翩翩恰似舞精灵。
足疾年来碍远征，缓行山道幸还能。
青青幽壑万竿竹，怜瞰蹒跚一老僧。
(黄浴宇)

南明湖泛舟

夜雨霏微泛画船，穿桥傍岛碧波间。
双山夹水通灵气，灯影迷离意自闲。

应星楼

重楼矗立傍瓯江，苍翠奔来四面窗。
名曰应星怀处士，盛衰休戚不同腔。
(吴亚卿)

登南明山

山存气象地存泉，街市江楼过眼前。
文脉缠绵穿雾岭，玉阶领翠上云烟。
炽情不待苍岩写，心语堪将绿谷牵。
最是秀湖尘未染，犹能无愧映蓝天。
(叶志深)

游千峡湖

秀山姊妹湖中舞，欲揭云纱看美嫵。
人道东风送春水，谁知秋雨亦绵绵。

游南明山 雨中情

白云微露上仙道，秋雨聆听点伞声。
千步清音千部曲，寻寻觅觅入天城。
(吴少华)

莺啼序 游青田石门山

名招石门访胜，叩峙然旗鼓。迷离地，雾雨空濛，谩说仙境谁主。浩波外，葱葱郁郁，流云皴墨成烟树。跨奇峰，休语渔郎，洞天如故。
百代人豪，千秋风韵，向清幽深处。溯灵秀，石径飞花，竟成风雅诗旅。漫清奇，盘松怪柏，乘险绝，峻岩孤踞。后来人，循迹行歌，自然怀古。
云间浥字，竹下藏书，记兴亡几度？待认取，旧祠昭耀，绝世经略，落瀑垂虹，谪仙曾顾。惊雷振壑，青苔蹑屐，天生凉意催诗地，蕴灵才，两矗分龙虎。嗟呀似我，苍崖细认残碑，断壁拾得遗句。
九霄极目，激赏流连，任客舟半住。再理绪，萦怀难抚。也欲眠香，也欲沉沦，趁潇潇雨。长情待写，诗缘堪续，痴心已入瓯江水，独徘徊，无语空凝伫。幸他溪涧叮咚，伴我重吟，谢公旧赋！
(王鹏飞)

